

РУСКИ НОВИНИ

ЗА РУСИНОХ У КРАЛЬОВИНИ СХС

Рок III.

Нови Сад, субота 30. окт. 1926.

Число 98.

Виходза раз у тижњу.

Цена на цели рок 100 Динари.

На $\frac{1}{2}$ рока 50 Динари.

За Америку 4 долари на рок

Рукописи и други писма треба послац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ ПРОСВИТНЕ ДРУЖТВО, РУСКИ КРСТУР (Бачка).

до Београду и ту го поховаша Зос ним ше пренешу и цела 7 народних сербских посланикох, котри тијк похованы.

ШВЕРЦЕРИ У ЗАГРЕБУ

Тих дњох одкрыта велька афера шверцерох у Загребу, котри зос Видню (Бейчу) шверцовали гадваб, веџ предавали по целай држави.

ВЛАПЕНИ ОПАСНИ ТОЛВАС

Новосадска полиция влапела того тижња двох опасних толвайох Јосифа Иринга и Стефана Сабова, котри допутовали зос Мадярской. У јх коферох найдзени вшелјаки справи за отверане касох. Вони признали, же до тераз покрадли жупанијску касу у Осеку, веџ у опшини Брчко и Птуј. Крем того зробили веџаја крадзох у Ческай и Румунији. — А тих дњох окрадли поддиректора тарговскай банки у Новим Саду и однесли му вредносцох коло 100.000 Дин.

ШНІГ У БОСНИ

Являю нам зос Босни, же там настала велька жима а на горох указал ше перши шніг дас 5 см. високи. Исто так шніг спаднул и при Загребу.

ГЛАДНИ КАМЕНЬ

Вода у Драви на тельо опадла при Марибору, же ше указал на сподку камень, котрого народ вола „гладни камень“, бо вери, же кед тот камень видно, настаню гладни роки.

ШПЕКУЛАЦИЈА ЗОС ХМЕЛЬОМ

Даєдни тарговски шпекуланти, котри купую хмель зложели ше до картелу и знаюци, же у народу нєт пенежи, иду за тим, да

Швето Христа Краља

У нашији отечеству

В недзелю, дня 31. т. мешаца по перши раз Церква преслави Швето Христа Краља. Милиони людзох спадну на својо колено, да придаю славу Христу як Краљови швета, припознаю Його краљевско право над својим животом и дјествованьем и Йому пошвеца себе и шицко, цо им наймилише на тим швеце.

Запровадзенем празника Христа Краља св. Церква лем яснейше виражела и виповедла правду, котру вона од својого початку признавала и людзох научавала. Бо Исус як Бог ест сотворитељ шицкого па и сотворитељ людскога дружтва, котре ше виражеје у фурми фамелији и у фурми држави. Вон верховни Господь и Краљ, пред котрим ше муши поклониц кажде колено. Вон источник шицкей власти. Як „књаза мира“ предрекол го уж пророк Изаяја, а Ангел ясно означел Його краљевску власт, „и дастъ єму Господь Богъ престоль Давида отца њего, и воцарится въ дому Јаковли во вѣкъ и царствију њега не будет конца“. Своју краљевску власцу явно и сам потврдзел на вислушовану пред Пилатом. Дослідно то же основал на жеми својо царство — Церкву — зос подполну трояку краљевску власцу: законодательну, судийску и карателну. Полним правом поволује да клем св. Церкву кажди дзень своїх вирникох: придите поклонимся, Христу Цареви нашему Богу!

Але современи чежки дружтвени обставини и смутни причини понукали Церкву да запровадзи и окреме швето Христа Краља.

Царство сатани вше баржай ше шири. Воно по својих ширительях фрамасунох, комунистах, социјалистах и кояких либералох идзе за тим, да добие цо веџај впливу на явни дружтвени и државни живот. Ми видзиме, же ше сце вигнац виронаука зос школи и дослідно томе забиц думу на Бога уж у младих душох. Видзиме як ше Церкви як царству Христовому недопущује шлебода, як ше уніштује јї организацији, як ше закони не приношују у согласију з Христовим духом, але и процивно Йому. Дослідно томе чловечи род западује вше глїбше до роспости, мержнї, лакомства — а то шицко подкопује фундамент држави и причином євелім злом, цо паную у нешкайшим современим живоце.

Чловече дружтво треба прето обновиц а то єдино возможно, кед ше припозна Христова власцу над собу. Христ як законодатель годзен людзом дац найлепшу пораду як треба управляем зос народами. Чловечество треба да припозна Христову краљевску власцу над собу, над цалим животом и думаньем. Але фундамент людскога дружтва, ест фамелија. Непослуш, роскош, уживане уцагло ше до модерней повоенскай фамелији, а то ше процивидује Царства Христовога, котри у Назарету указал яки маю буц людски фамелији. Ясно, же без обновеня фамелији не може буц обновена дружтва.

Прето на дзень Христа Краља шицки под баряк Його, у борбу за Його права.

П.

ПОЛИТИЧСКЕ ПОЛОЖЕЊЕ

Од кеди ше Никола Пашић поврацел до Београду, од теди шицки радикалски политически особи ходза непрестано гу нјому на пораду. Гуторя, же страх пред Пашићеву владу нагнал Радича и Узуновича же ше вимирили. Цо за право Пашић дума, о тим нїхто неизна. И Радич и Узунович сцели би до влади поцагнуц Дра Корошца, котри чека док ше видзи, чи тата теразшња влада стајна, чи не придзе заш до якай кризи.

ЗБЛЖКОВАНЕ МЕНЬШИХ ПАРТИЙОХ

Медзи меньшима полит. партиями обаче ше зблажоване. Так група Никича сце прийсц до узшого контакту зос радикалами групи Јовановича и зос Немицами. Вони гледају як би ше зложели у једним напряму зос другу опозицију.

ЗБИЛИ ШЕ ЛАДІ

На Сави ше тих дњох збили два ладі. Ёдна за превожоване особох и ёдна терховна. Од путникох нїхто на щесце не настрадал. Хиба була у тим, же терховна лада не була довольно розшищена а на Сави була молга.

ПРОНЕВЕРЕЛ ПОШТОВУ КАСУ

Званичнїк на пошти у Загребу Пелц проневерел коло пол милиони динари државнога пенежа та сцекол. Новини явљају, же го полиција влапела у приморју, дзе ше крил.

ЦЕЛО ПОКОЙНОГО ВОЙВОДИ ПУТНИКА

Цело велького сербскога войводи Путника, котри умр 1917 року и похованы у Ници, сцу тераз пренесц

Читайце „Руски Новини“

цени хмелу збию за половку. Ново основани союз производителюх хмеля упозорел на то шицких тих, котри маю на предай хмеля, и опомнул, да хмель предаваю директно до Союзу.

Упозорене!

„Canadian Pacifik“ дружтво за превоз до Канади достало уж гарантни писма за земледілцох. Путовац ше будзе дораз з яри. Писац на атрес: Canadian Pacific, Zagreb, Petrinjska 40.

„Пред шеяньом жита“

Под тим насловом ше появела кратка статя у „Руских Новинах“ у ч. 95. 1926.

Як чуєме по тим систему веци земледілцох уж тей єшени зашали жито и то и на векиших фалатах, як цо ше за пробу препоручело. С тей причини упозоруєме заинтересованих на слідующе.

Хто пробує тот систем шеяня жита, най прочита и добре преучи статї, хтори ше о нім появели од п. Поновича у „Польопривредни Гласник“ ч. 20. 1925. и ч. 19. 1926. р., и критику Милана Новаковича, котра ше появела и истей новини ч. 20. 1926 р. под насловом „Зар један нови пут к повећану жетвених принос“. .

Зос тих статіах ше видзи, же тот систем, хтори нашо новини принесли є нова видумка п. Поповича а лем є спроведзені зос кинейского система.

По кинейским систему три тижніово посхадзане жито пресадаю єше 4-5 см. далёко єдно од другого. Медзи шорами удаленосц 20 см. На яр жито копу, окопую и поліваю кед сухота. Тот систем принес до Европи пред 20 роками єден руски ин-

женер Н. Л. Дечински. Випрабали го на веци местох у Росії, у Немецкай у Австрії и у Мадярской але єшдае ше не удал,

Исто так стої под пробу тэрэз систем п. Поповича, котри п. М. Новакович у горе наведзеной статї оштро критикує, але ипак препоручує на пробу.

Успих проби вельо завиши од того, же яка жем. Моцно гновна або слабо. Як обробена? Як жито допатране, копане? Яки е рок, сухи або мокри. Зато пробу треба спровесц през веци роки.

Прави кинески систему од садзеного жита захтева широке роскоренінне, а систем п. Поповича не сце роскоренінне, зато садзи 15 або и веци зарна до єдного гнізда. И п. М. Новакович одобрава, же у нас не треба полагац на роскоренінне.

На кратко спомніме, же у шеяню, садзеню ростенийх вице постое два главни системи: польски и заградарски.

По польским систему ше зарно на тельо густо, на кельо ше може єдно при дру-

гим розвивац и плод принесц. По тим систему ше єще у нас жито тераз вице.

По заградарским систему ше дава єдному стаблу веци место, але єще чека, да воне само принесе веци урожай, як цо би принесли дөвдна веци стабла на истим месту. По тим систему ше у нас садзи кукурица, кромпли, цвикала и т. д.

Дакле Кинези уж и зос житом прешли на заградарски систем а робя ше проби и у нас.

Яки будзе результат система Поповича, докажу дальши проби. Але у тим уж ма правду, же аме на драже, же на истим фалаце вельо веци жита ше будзе родзай як цо до тераз. Бо кед уж не лем ученыци але и сами земледілци мудрую и пробую у практики повекшане урожая, теди кед ше систем п. Поповича не уда, наисце винайду ище новши систем, хоти будзе за нас Европлянох ище лепши, як азиятских Китайцох.

М. А. Поливка

ШИРОМ ШВЕТА

Англия

КАТОЛИЧЕСКИ КОНГРЕС

Недавно ше отримал у варошу Менчестер велько католически конгрес. Участвовало вельке множество швeta зос цалей Англії. Кардинал Бернс отримал бешеду, и гварел, же катол. держави не указую довольно розуменя за Друштво народох, и же прето превладаю там дух протестантски. Велько англійски спісатель Честертон гуторел, же подполну шлебоду думох достава чловек лем у церкви, у шицких других дружтвох панув рабство безвірия. Народни посланик Секстон бешедовал о становищу катол. церкви ту социализму. Католици Англії под водством спісателя Честертона основали и полит. партію як и у других державох.

Мехико

ВІТИРВАЛА БОРБА

Проців гонению католикох зос страни фрамасунскай влади католики ше организовали и прегланіли економски бойкот; котри ше состої у тим, да

ше кожди одрекнє шицкого цо не конечно потребно. Так єдзеня роскошного, напою облечива и т. д. На тот способ стала тарговина а влада не могла вигнац порція а ні при найбогатших. Ёдна найвекша мексиканска тарговина заробела на дзень 4 динари. На тот способ влада страцела милиони. Ёден наймоцнейши догански картел, котрого водзел єден владин фрамасун становел роботу и фрамасун мушел влади препоручиц, да ше вимири зос церкву.

Булгарска

НОВИ ГРЕКО-КАТОЛИЧЕСКИ БЛАДИКА

За владику греко-католицких вирниках у Булгарскай вименовані дотеразні апост. администратор Стефан Куртев. Вон Булгарскай народносці а родзени 1891 року.

Австрия

ХАСНОВІТЕ НАРЕДЗЕНЕ

Владика у Лінцу видал пастырски посланіе, у котрим закаюе своїм вирником участво-

вельо фази (преобразби) прешол, док не дошол до свойого нешкальншого на-предку. Вельо и вельо тисячи роки прешли док вон не дошол и постал нешкальншим напредним и культурним чловеком, чиї ціль є барс високи и красни: воздвигнуц себе на найвиши град склада помедзі души и цела, помедзі людзми и природи, воздвигнуц и украшиц не лем свою вонкашность але и зоднuka. Бо аж теди док вон прекрачи тоти преприятства, хтори му стоя на дражки, а хтори уж звершава тисячи и тисячи роки ходзен ше волац правим чловеком. А то його як найсовершеншого бития и задотак. Тераз нам ше кладзе вопрос, чи вон го-дзен тоти задатки віпольніц? Кед го опатриме, та нам ше кладзе и сам од-вит, же вон зато и створени. Йому дани шицки условия хтори вон ма веци крашне виробиц.

ФЕЛЬТОН

Дюра Раман

Дажносц писменосци

Преподаване отримане на глацій склаці Р. Н. П. Д. у Дюрдьове.

Чесне собрание! Вельо и вельо роки прешли, вельо и вельо думи величезни и красни наших дідох остали осамени, успани, — лем думи, ялови и слаби! Препадли, бо им не дали вілесци и пребудзиц и други узихнути и престрашени шерца и души и указац им их живот, ціль и вредносц. А гоч би и сцели, па би пришла верхня сила, хтора би їх прето покарала. Тераз аж можем повесц и ве-риц, же настал нови и красни живот, кед видзим вас позбераних зос шицких руских валалох, брата при братови, на нашей велькай ведней задачи, при олтару нашей будучности; вас привітац по словах наших дідох и оцох — Вітайце! Им ше то лем шніло, а

вац на безвирских и протуцерковних зборах и собраних. „Чесц каждого католика захтева, да не допущи, же би го даяки фальшиви пророк поучовал у вопросах Його вири.

Шпания

ВЕЛЬКИ БУРІ У ЖЕМИ

Зос Шпаниї приходза висти, же у цалей жемі настали велькі бурі. Железнички саобрачай прервати и веци хижкох звалено. Медзі людамі ест тих велько жертві, котры и животом плацели.

Францыя

ЗА РЕВИЗИЮ ВЕРСАЙСКОГО УГОВОРА

Прешлого тижня отримала радикальна партія, котра єдна од найважнійших своїх собраний, на котрим виявела, же вимирене Немцох и Французох зос собу поцагув и ревизию версайского уговору. Крем того сце тата партія, да ше и зос Русию ушоря одношения. Тата ришения буду мац велькі вплив на дальне развіване французькі политики.

Русия

ДОГВАРКИ ЗОС АНГЛІЙСКИМА БАНКАРАМИ

Красин, комесар заграничных ділох гледа пожичку од англійских банкарах. У тей ствари бешедовал и зос министром Чемберленом, Англія сце, да Русия пайперше припозна свойо длуствіа, що их зробела ище царска влада, а крем того да за пожичени пенеж набавя потребни ствари зос Англії.

Польска

ЗВАДА МЕДЗІ ШКОЛЯРАМИ

На високай школи у Вільну вибила звада и борба медзі християнскими и жидовскими школярами и то прето, бо християнски школяре не допушчую жидовских на преподаванія медицины, бо жидзи несці дац мертві цела своїх синароднякох, да ше на німа школяре уча, але их поховаю. И так іші жидзи учели на християнских целох. Тераз одредзели християнски школяре, же кед и жидзи не буду давац каждого мешаца 9 жидовски мертві цела, та им не допушча учіц медицину

Мисії у Босні

У барз чежких обставінох жилю греко-католіци у Босні. Вироди зос власного народу, одреклише свойого, своеї прадідней вири, наставляю мрежі вшадзи медзі українським грекокатоліцким народом у Босні, да влапя гоч кого; звичайно одступели од св. вири, тогі, що не сцели свойо законити жени, пияници, вец, тогі, що паноців не сцели дац цо мушели. Тоти вироди пуштаю ложні висти на наших паноціх, рубу на нашу св. вири, застрашую народ, нападаю на нашу св. Церкву и ей установи а найбаржей Римського Оца Папу.

У таких обставінох лем особена помоц Божа помога. Но Духовна Власц нашей гр. кат. Церкви шицко од своїй страни роби, да греко-католікох утверди у своїй св. вири, да добрих ободри, сумніваючихся поучи, а злобним представи їх опаке побожнє стане.

Того лета обишел шицки нашо парохії у Босні босанські архидиякон и каноник о. Др. Й. Шимрак. На св. Кирила и Методия бул у Деветині, на Преображеніе у Пряновору, на Малу Матку Б. у Каменици, на Воздвижение Ч. Хреста у Козарцу.

Вшадзи тримал о. канонік ведно з другими паноціами мали мисії. Помагали паноціве: Др. Й. Калай, о.

Н. Камінецкий. Торжествену Службу Божу служел всесв. о. Митрат А. Базюк, епископски викарій.

Народ вшадзи гарнул ше до Церкви, до св. споведзи, жадно слухал науки. Народ воопіце добри, а у поєдніх случайох показал, же зна и сце церпіц за свою св. вири, арештох ше не бої и шмелю става до оборони своєї церкви.

На Покров Пресв. Богородиці пошол о. каноник до Хорвачанох, баш, дзе быва главни одступник Стрильчик

Ми греко-католіци у Босні барз візечни преч. о. канонікови и нашему архідияконови Дру Шимракови за його велько труди и старане за нас. Гр. католіци у Босні увидзели, же не опущени, бо гевтого року нашивели нас и сам преосвящени владика Діонізій у Босні. Вірники увидзели, же ше за ніх Духовна Власц у Крижовіцах барз стара, же наш архідиякон барз люби тот бидни народ, и же го на шерцу ноши. Най Г. Бог поблагослові!

Ч.

Петровци

ШПИВАЦКИ ХОР

Чим было основане „Руске Народне Просвітне Друштво“ у валале, дораз ше указовала потреба, да ше воно дополні зос єдну нову просвітну установу, котра будзе душу и шерцо

владал и сам воздух, та по нім леци ягод да ма кридла.

На другим боку ту жем, хтора му дава и скрива велько красоти, богатства, места, лем заньго сотворени! На ней вон находзи шицки своїо потреби, було то єдло, або напой, забаву або науку, красоту або мудросц. Шицко му дате, лем треба да тогі благодати позбера и ушори. Вельо вон уж ушорел, але барс ище вельо й остало. Бо од того овиши, чи му будзе добре або зло.

Розуми ше, же то од початку не було шицко таке розвите. Бо не може постац одразу ніч совершене, и на кельо постої совершенство, але ше шицко муши розвивац, пременьшовац, оправяц, да би постало голем побліско, хторе ше вец ище далей вше и вше розвива, украшує, қвитнє. Дакле шицко ше находзи у розвиваню. А тогі розвиване, крашене то вон помога, вон чоловек зос своїм розумом, бо хто

зна як би то було на тей жемі, да нет його?! Вон зос своїм розумом, енергичну роботу и витирвалосцу завладал и постал паном того шветского богатства! Цо вон спрам велького брега? — найменьша отрушинка піска, але його розум шицко.

Але то лем його шветске богатство, а його є циль и виши. То було у перших часох його жица, кед ше вон мушел старац лем за свою екзистенцию, но кед ю надвладал, вон ше муши старац и оквиції свою душу, вон ше ма старац о просвіщеню самого себе. Бо ше лем зос тим розликує од жвирох. За тогі своїо паньство и культуру принес вельо жертві. Історія най нам є найлепши и едини шведок.

У найстарших часох його живот бул єднаки жвирскому. Жил по дзирох и пещeroх, єдло' му були кояки кореня, овоци и месо, облечиво даяке од жвирских скорох. Яка бешеда и

дума о просвіщеню? Главне му було, да вон отрима свою екзистенцию. Но видзиме далей, вон ше уж зос своїм розумом баржей служи. Прави себе кояке орудие од каменя, як шекери, хтори му служа за одбрану и средство за нападане слабших жвирох, — найниши град култури, а вец познейше, ясно то прешли вельо и роки, вон ше уж здружкує до малих кружкох, да будзе моцнейши и ту почина перши медзисобни живот.

Цо далей вон винаходзи и други винаходи: прави себе стрили и луки, винаходзи ковні (метали) почина правиц себе коліби, и то звичайно на воді, да му и вона буде у помоци, вец огень и т. д. Затим вон уж почина жем обрабяц разу мнейше, як до тераз було сельни. З єдним словом у першим стадію вон принуждены лем на отримане самого себе.

(Далей будзе)

их племенито ховац. У початку було досц чежко, бо ѿ мало того, хто ѿ будзе водзиц. Нашо млади хлопи предняци просвіти Осиф Кетелеш як предсідатель па Михал Юхас и Никодим Житовски організовали нашу молодеж и створели шпивацки збор од скоро 30 младих людзах, дзивкох и дзецеох, и за єден тидзень уж у церкви шпивали. У початку єдноставни, а веџ віше чежши писні. Народ бул барз задовольни, и цешел ѿ з німа, а особено зос своїм учителем Петром Фірисом, цо им давал початки зос науки о самей музики, да не патра до нотах лем так, але да их и знаю. И на вельке чудо нашо шпиваче фришко похопели свою задачу и твардо ѿтнимали, а и нешка ѿ моцно тримаю.

У тим початку врацел ѿ наш омилени п. Милутин Фірис зос науках зос Загребу, и на молбу шпивакох превжал учительську и диригентську службу од своего оца, и зос найвекшу моцу учел младих шпивакох каждого дня од 11 до 12 годзин сопранох и алтох, а вечаром у „Пресвітним Дому“ тенорох и басох. Место да одпочива од своеї науки и испитох, вон ѿдал до новей роботи не питаюци за ніяку плацу, але совисно од початку па до нешка учел шпивакох и скоро каждой недзелі слухали зме по

єдну нову писню. Диригент мал особени успих, бо су му шпиваче добре дисциплиновани, и слухаю кажде його слово зради, бо увидзели, ёже кажде його слово гу нім милно вигванене за их цо векшу хасну; а и нам цо их слухаме су на потіху.

Сама динамика у добрым віше виведзена, а на поєдини динамички знажаки так уведзени, да ѿ зос саму писню ужили и само з оком єдним попатрную до нотах, а з другим на свойого водю, да не страца такт. Сама боя гласа би ѿ требала кристализац особено у сопранох, бо веџ раз ѿ медзи німа лем поєдини гласи чую. Сама вокализация досц добра и задоволююца. Швет, цо ѿ пак до музыки дакус розуми, наглашал, же ѿ збор особено указал при kraю.

Наш млади збор ѿ своїм диригентом ѿможе похваліц. И на кирбай на „Покров Прес. Богородиц“ указал нам міле ужыване слухаюци их. Па справди ѿ и може повесц, же шицко цо на служби Божей шпивали, виведли так мило, сложно и крашне, же змеи Петровчане а и нашо госци тим ридким ужитком барз задовольни и указали, же ваш труд не бул дармо, але здня на дзень наплацую з народним признањем; и ваш успих то прави успих народни. Тот ужиток остал у нам шицким, у нашим шерцу вично

приємни, а особено, кед ѿ шпивало соло мушки Алилуя. Теноров-лірски глас нашого од шицких признаного шпивака Михала. Ми звами шицки радосни, бо сце своїм успіхом указали, же вам шлебодно крачац ведно зос другима друштвіма, цо шпиваю веџ роки, а ви за тото кратке време пришли до красного напредованя, бо писні Бортнянскаго и Вербицкаго так були виведзени и одшпивани, же вам ѿ лем може гратулирац.

Вам шпиваком мушкого и мешовитого збору и хо-

роводі и. Милутину Фірису жадам вельо щесца у племенітей вам роботи, па да у започатей не вистанеце, але шмелю напредок. Тот конар просвіти дава ваньскому швіту нашо ліцо и кед вони го увидза красни и мили, веџ дораз и поведза занъго, тот и тот народ ма добри Фундамент, хтори отрима и ані єдна буря му не начкодзи.

Дай Боже, да то поведза за наш Руски народ у Югославій!

Никола И. Надь
учитель.

Шветочни ОТПОЧІВОК

Недз. 19 по Сош.

лук. гл. 6. ЗАЧ. 26.

Рече Господь: якоже хощете да творять вамъ чловѣци, и вы творите имъ такожде. И аще любите любящия ви, кая вамъ благодать есть; ибо и грѣшники любящия ихъ любять. И аще благотворите благотворящымъ вамъ, кая вамъ благодать есть; ибо и грѣшники тожде творятъ. И аще взаимъ дасте, от нихже часте восприяти, кая вамъ благодат есть; ибо и грѣшники грѣшникомъ взаимъ давают, да воспрімуть равная. Обаче любите врачи ваши и благотворите, и взаимъ дайте,ничесоже чающе, и будетъ мѣда ваша многа, и будете сынове вышняго: яко: той благъ есть на безблагодатныя и слыа. Будите ибо милосерди, якоже и Отецъ вашъ милосердъ ест.

„Якоже хощете, да творятъ вамъ чловѣци, и вы творите имъ такожде“.

Ето, у єдним изречению подава Ісус темельни принцип (закон) за друштвени порядок медзи людзми. То погански швет пред Христом, ані не чул, ані не знал. Теди владала медзи людзми найвекша и неправда, вражда и мережня. На сили стал швет, а Ісус сце, да стой на праведносци, любови и милосердию. То фундамент християнскаго закону и стым законом спаведлівосци вланени погаски швет до галова Церкви Христовей.

И нешка Церква Христова лем зос туту паролу живе и напредує: спаведлівосц любови, милосердіем.

Цо сце, да тебе робя людзе, роб и ти им, а цо не сце, да тебе робя, не роб и ти им. Ето, сигурнаго правила за цали живот!!!

Ти перше и перше не сце, да тебе хто у твоім праву, у твой чесци, у твой шлебоди **руша**. Дацлем, не рушай ані ти, та будзеш мирни!

Перше правило глаши даклем: „Нікого не увредзуй!“

Друге правило праведносци божей, випомнунте у Христовим слову: „Якоже хощете, да творятъ вамъ чловѣци, и вы творите, идзе уж на виши степен спаведлівосци, бо захтева од нас, не лем, да не рушаме другого, — ближнього свога, — але да му даме, **це мы припада**: кому чесц, кому славу, кому дужни послух, а каждому любов милосердие.

Даклем то значи, же своїх духовных поглаварох, хтори ѿ стараю за нашо найвекше добро — за спасене души нашей — мушиме у першим шоре почитавац, а у другим шицких наставниках наших. Христос у своім слову на гори гутори, же тот, цо чежко увредзі брата свога“ повинен естогню гегеному.“

Кельо векши грих збори тот, цо обещесцує священика Христового, и кельо векшу кару заслужує, як і тот цо лем увредзел обичного брата свога?

Треце правило, цо виходзі з Христоваго слова, ест тото, же кажди, хто сце виполніц закон спаведлівосци и так перши закон божи, „Бог ест и Бог є праведни — тот мушки чесно жиц. „Чесно жиц“, то треце главне правило за каждого человека, цо сце спасени буц.

Хто може од людзох таки буц, да не руша нікого, але да му будзе на хасен???. То може буц лем тот человек, хтори чесно т. ѹ. богоўйно, по законах божих жиб.

Слава Тебі Христе Боже наш, же ши нам так ясно віповед правду, по хторей треба да живеме, кед сцеме на тим, и на другим швеце щешліви буц.

Мих. Мудри

Берза

Берлин 1 злата марка	13.48 д.
Будим. 100.000 мадъ. кр.	79.— „
Италия 100 лира	202.50 „
Букарест 100 лей	30.— „
Лондон 1 фунд. штер.	274.40 „
Нью-Йорк 1 доллар	56.42 „
Париз 100 франки	156.— „
Праг 100 Чес. кр.	167.35 „

Руски Крестур, 22. X. 1926.

Михаил Шимко в. р.

Шведкове: Михаил Няради учитель, в. р.

Дюра Шимко в. р.